

Nr.regj. 14838/2012

Dep		Nr Prot	
Dep	DPK/DITP	Bi Prot	03 2739/M
Dep		Prot No	
Nr. F. 100		Data	03.04.2012
Nr. pages	02	Qad	03.04.2012

GJYKATA KOMUNALE PËR KUNDËRVAJTJE NË PRISHTINË, duke veçdosur në procedurën për kundërvajtje kundër të pandehurit Xhemail Dervishi nga fshati Gradicë, Komuna Glllogoc, për kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, Nr. 04/L-150, në bazë të nenit 73,74,195,199 të Ligjit mbi Kundërvajtjet GZK 23/79, me datë **30.06.2012** merr këtë:

A K T V E N D I M

I PANDEHURI: Xhemail Rifat Dervishi, i lindur më 26.06.1967 në fshatin Gradicë, komuna Glllogoc, ku edhe tani jeton, veterinar, drejtor i laboratorit në Agjencinë e Ushqimit dhe Vetemiarisë, me shkollim superior, i pamartuar, i gjendjes së mesme ekonomike,

Ë s h t ë P ë r g j e g j ë s

Sepse, si Zyrtar i Lartë Publik, në pozitë të Drejtorit të Laboratorit në Agjencinë e Ushqimit dhe Veterinarisë (AUV), nuk e ka bërë deklarimin e rregullt të gjendjes së pasurisë në Agjencinë Kundër Korrupsion, brenda afatit ligjor deri më 31.03.2012,

- **me çka ka kryer kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik**, andaj të pandehurit për këtë kundërvajtje i shqiptohet,

D Ë N I M I

Me gjobë në shumë prej **1500 € (Njëmijëepesëqind Euro)** të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. Paguesa bëhet në ndonjë agjenci për mbledhjen e të hyrave-bankë, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej **30 ditësh**, duke llogaritur nga 15 Euro për një ditë burgimi. Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej **5 Euro** në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit.

A r s y e t i m

Agjencia Kundër Korrupsionit në Prishtinë, i parashtror kësaj gjykate Kërkesën 01-1620/2012 me datë 02.05.2012 për fillimin e procedurës kundërvajtëse kundër të pandehurit të lartshënuar për kundërvajtjen e precizuar si në dispozitiv të këtij aktvendimi.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon kundërvajtjen e cila i vihet në barrë duke shtuar se në pozitën e drejtorit të laboratorit është emëruar nga data 01.01.2012 dhe ndonëse për vitet paraprake ka bërë deklarimin e rregullt të pasurisë në AKK, se edhe këtë vit ka qenë i njoftuar me kohë nga personeli i Agjencisë dhe se nuk ka arritur të përmbushë me kohë obligimin e deklarimit të pasurisë për shkak të udhtimit zyrtar në Zagreb, Kroaci, nga data 24.03.2012 deri më 02.04.2012 dhe për shkak të angazhimeve të tjera në punë. Në vazhdim prezanton një vërtetim të datës 25.04.2012 nga AUV i cili dëshmon lartësinë e pagës mujore dhe kërkon nga gjykata t'i shqiptohet një

vendim sa më i arsyeshëm që nuk e rëndon buxhetin e tij familjar, meqë nga i njëjti i duhet të paguaj edhe një obligim tjetër ligjor të natyrës familjare.

Nga të dhënat në kërkesë, vlerësimi i deklaratës së të pandehurit dhe shqyrtimi i shkresave të tjera të lëndës, administrimi i secilës veç e veç dhe të gjitha së bashku, gjyqtarja në masë të mjaftueshme vërtetoi gjendjen e plotë dhe të drejtë faktike, ekzistimin e veprës kundërvajtëse dhe përgjegjësisë së të pandehurit për këtë kundërvajtje, ia fali besimin kur dëshmoi me pasaportë se ka qenë jashtë vendit nga data 24.03.2012 deri më 02.04.2012, por ligjërisht, i njëjti ka pasur mundësi të bëjë deklarin e rregullt të pasurisë deri më datë 31.03.2012 e jo vetëm me datë 31.03.2012, pra edhe para datës së udhëtimit, ngase siç shihet nga korrespondencat e bashkangjitura shkresave të lëndës, i pandehuri ka qenë fare mirë i njoftuar dhe ka pasur mundësi të plotësojë formularin dhe të njëjtin ta dorëzojë në AKK qoftë personalisht apo përmes ndonjë personi të autorizuar. I pandehuri gjithashtu ka qenë në dijeni për një obligim të tillë ligjor bazuar në vitet paraprake dhe për mundësinë e deklarinimit me kohë në mënyrë të rregullt, por thjeshtë e ka neglizhuar çështjen duke mos e përfillur obligimin ligjor, andaj gjyqtarja për kundërvajtjen e kryer i shqiptoi dënimin e paraparë ligjor.

Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe sipas peshës së kundërvajtjes e shkallës së përgjegjësisë së pandehurit, e duke vlerësuar edhe personalitetin e të pandehurit e lartësinë e pagës mujore, të njëjtin e dënoi me me dënimin me gjobë të precizuar si në dispozitiv të këtij aktvendimi, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të natyrës së tillë apo të ngjashme.

Me sa u tha më lartë u vendos si në dispozitiv të këtij aktvendimi.

U VENDOS NË GJYKATËN KOMUNALE PËR KUNDËRVAJTJE NË PRISHTINË
Nr.regj.14838/2012, datë 30.06.2012

Gjyqtarja
Suzana Çerkinj



KËSHILLA JURIDIKE: Kësaj vendimi pala e pakënaqur ka të drejtë ankese në afat prej 8 ditësh Gjykatës së Lartë për Kundërvajtje të Prishtinës, nga data e pranimit të njëjtit nëpërmjet kësaj gjykate, pa taksë.